

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Illvstrivm Virorum Epistolae, Hebraicae, Graecae et
Latinae, Ad Ioannem Reuchlin Phorcensem virum nostra
aetate doctissimum diuersis temporibus missae**

Reuchlin, Johannes

Hagenoae, 1519

Erasmvs Revchlino svo S. D.

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

EPIS. ILLVST. VIRORVM AD
ERASMVS REVCHLINO SVO
S. D.

NVLLO sermone consequi queam, quo studio, qua ueneratione tuum nomen prosequatur, magnus ille literarum ac pietatis Antistes, Episcopus Roffensis, adeo ut cum ante hac plurimi fecerit Erasmus, nunc admiratione Reuchlini penè contemnat. Quæ res adeo me nulla urit inuidia, ut uehementer etiam gaudeam, proq; mea uirili currètem (quod aiunt) extimulem. Nullas ad me dat literas (scribit autem crebrius) in quibus non faciat honorificentissimam tui mentionem. Deceuerat posito cultu Episcopali, hoc est, linea ueste, qua semper utuntur in Anglia, nisi cum uenantur, traicere, hac præcipue causa impulsus quo tecum colloqui liceret, tanta habet hominem, discendi tuiq; sitis. Atq; hac lege nos ad nauim properantes decè apud sese dies detinuit, ut unâ traiceremus. Verum incidit postea cur mutaret consilium, & si rem distulit, animi propositum non mutauit. In extremo digressu sollicitè me rogauit, qua re posset tibi gratû facere. Respondi, tuâ fortunâ non esse eiusmodi, ut magno pere egeret pecuniâ, uerum si mitteret anulum aut uestem, aut aliud eiusmodi, quod ceu tui monumentum posset amplecti, id fore gratissimum. Respondit, se nihil laborare quanti constaret, modo tibi gratum esset, collaudaui hominis animum, suspicor eum breui ad te uenturum. Interim fac scribas mihi, quid tibi potissimû mitti cupias, nullis ille parsurus est sumptibus. Senti illum auidissimum calamorum $\nu\lambda\omega\tau\acute{o}\nu$, cuiusmodi mihi tres donasti, pròinde si tibi sunt aliquot, nullum munus gratius mittere possis, non grauaberis eum crebris appellare literis, & item Coletum; uterq; tui studiofissimus est, uterq; talis est, ut etiam si nulla speraretur utilitas, tamen ob egregias quibus præditi sunt uirtutes, & animum in te tam propensum, digni erant amore mutuo, nunc ambo summam apud suos obtinent auctoritatem. Coletus etiâ Regiâ Maiestati intimus est, & ad priuatissimû colloquiû quoties uult admittitur. Leo Summus Pontifex ad meam epistolam quam excusam legisti, diligenter respondit, nec minus amanter q̄ diligenter, adiecit alterû Breue, quo me sua sponte Regi Anglo

IO. REUCHLIN. LIBER SECVND.

rum commendauit, haud quaquam more uulgari, atq; id nomi-
 natim adiecit, se id suapte sponte facere, nec a me nec a quoquam
 ut id faceret rogatum. Responderat uterq; Cardinalis, uerum hæ
 literæ in tuam Germaniam missæ sunt ad Ricardum Pacorum,
 hominem egregie doctum, qui nunc apud Eluetios oratorem
 gerit. Quin & Pontificis Breuia mihi non ante sunt reddita, quã
 in Angliã rediissem, quã si in tempore fuissent reddita, fortassis
 & Hieronymum Leoni dedicassem. Mihi uix dum in Brabãtiam
 reuerso, Illustrissimus Princeps meus Carolus Præbendam dona-
 uit, satis & honorificam & copiosam. Reuisi Britanniam, saluta-
 rus Mæcenates meos, & amicos ueteres, Reperi multo nostri q̃
 reliqueram a mantiores. Archiepiscopus cum semper amarit uni-
 ce, nunc tantum adiunxit ueteri in me studio, ut ante parũ ama-
 se uideri possit. Omnia sua mihi detulit, recusaui pecuniam. Abe-
 unti donauit equum, & calicem cum operculo elegantissimum
 inauratum, pollicitus apud mensarios pecuniam quantamcunq;
 iussit se depositurum. Nouum Testamentum plurimos amicos
 mihi cõciliauit ubiq;, tametsi nonnulli strenue reclamant, p̃ser-
 tim initio, sed hi in absentem tantum, & ferme tales, ut nec lege-
 rint opus meum, & si legerent, non intellecturi. Scribe ad nos fre-
 quenter doctissime Reuchline. Quicquid Antuerpiã miseris, ad
 Petrum Aegidium Scribam publicũ, id mihi certo reddetur. Be-
 ne uale Germaniã nostrã decus. Si Philippum Iuuenem ad Ros-
 fensem miseris, tuis commendatum literis, mihi crede, tractabi-
 tur humanissime, & ad amplissimam fortunam prouehetur. Nec
 usquam contingeret plus ocii ad optimas literas. Fortassis ille sitit
 Italiam. At his temporibus Italiam habet Anglia, & ni plane fal-
 lor, quiddam Italia præstantius, Rursum uale. Calecii. VI. KAL.
 Septembres.

Erasmus CapNioni.

CVM has literas parasssem ad primam γραμμαρφόρη copiam
 Redditæ sunt Antuerpiæ tuæ literæ, sed Mense Iulio scri-
 ptæ, quas ego ad finem Septēbris accepi, ad has ut paucissi-
 mis respondeam. Erat quidem mei officii doctissime Reuchline
 literis tibi gratias agere pro Codice, hoc est deliciis tuis, nobis cõ-